

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj:01-05-03782-2018
Datum, 14.11.2018. godine

Na osnovu člana 16. i člana 119. Statuta Općine Gračanica («Službeni glasnik Općine Gračanica», broj: 04/09) Općinsko vijeće Gračanica na sjednici održanoj 14.11.2018. godine, d o n o s i

O D L U K U o izmjenama i dopunama Statuta Općine Gračanica

Član 1.

Ovom odlukom vrše se izmjene i dopune Statuta Općine Gračanica (Službeni glasnik Općine Gračanica), broj: 04/09).

Član 2.

U stavu 1 Člana 9. Statuta Općine Gračanica iza teksta „...vjerski i kulturni identitet“ dodaje se tekst „ ... te obezbijediti proporcionalnu spolnu zastupljenost.“

Član 3.

U članu 10. Statuta stav 1. tačka 14. mijenja se i glasi:
„14. osniva, upravlja, finansira i unapređuje ustanove osnovnog obrazovanja, kad preuzme nadležnost od kantona“

U istom članu dodaje se nova tačka 30. koja glasi:
„30. Vodi brigu o turističkim potencijalima općine“

Dosadašnja tačka 30. postaje tačka 31.

Član 4.

Član 29. Statuta mijenja se i glasi:
„Predsjedavajući i zamjenik predsjedavajućeg Općinskog vijeća svoju dužnost obavljaju na volonterskoj ili profesionalnoj osnovi u skladu s odlukom Općinskog vijeća.“

Član 5.

U članu 32. Statuta Općine Gračanica dodaje se novi stav 3. koji glasi:
„Općinsko vijeće će prilikom izbora i imenovanja članova radnih tijela i komisija obezbijediti proporcionalnu spolnu zastupljenost članova radnih tijela.“

Član 6.

U članu 49. Statuta stav 1. mijenja se i glasi:
„Pravnu zaštitu imovine i imovinskih interesa općine i mjesnih zajednica obavlja Općinsko pravobranilaštvo.“

Član 7.

U članu 64. Statuta riječi: „... i na osnovu Odluke Općinskog vijeća učestvuje u pripremama i sprovođenju izbora za novo vijeće mjesne zajednice“ **se brišu.**

Član 8.

Član 69. Statuta mijenja se i glasi:

„Član 69.

Vijeće mjesne zajednice imenuje i razrješava Općinsko vijeće 60 dana nakon konstituiranja Općinskog vijeća na osnovu rezultata lokalnih izbora za Općinsko vijeće na području mjesne zajednice.

Prijedlog kandidata za članove vijeća mjesnih zajednica podnose politički subjekti koji učestvuju u raspodjeli mandata.

Politički subjekti koji na općinskim izborima za Općinsko vijeća za područje mjesne zajednice ostvare izborni rezultat veći od 3% važećeg broja glasova sudjeluju u raspodjeli mandata za Vijeće mjesne zajednice, a mandati se raspodjeljuju po političkim subjektima na način kako se to radi za Općinsko vijeće, odnosno metodom neparnih količnika.

Mandat članova Vijeća vezan je za mandat saziva Općinskog vijeća.

Član 9.

Član 70. Statuta mijenja se i glasi:

„Član 70.

Mandat članu vijeća mjesne zajednice prestaje:

- istekom vremena na koje je biran,*
- smrću,*
- upućivanjem na izdržavanje kazne zatvora duže od 3 mjeseca,*
- ostavkom,*
- na osnovu odluke Općinskog vijeća.*

Općinsko vijeće donosi odluku o prestanku mandata članu vijeća mjesne zajednice na prijedlog:

- vijeća mjesne zajednice u slučaju da član vijeća mjesne zajednice ne učestvuje u radu vijeća mjesne zajednice*
- političkog subjekta koji ga je predložio*

Ukoliko članu vijeća mjesne zajednice prestane mandat prije vremena na koje je izabran, Općinsko vijeće imenuje novog člana na prijedlog političkog subjekta kojem je razrješeni član pripadao prilikom njegovog izbora.“

Član 10.

U članu 71. Statuta dodaje se novi stavovi 4. i 5. koji glase:

„Predsjednik mjesne zajednice za svoj rad prima naknadu iz Budžeta Općine, a u skladu s posebnom odlukom Općinskog vijeća.

Mjesna zajednica će svojim Statutom regulisati pitanje naknade članovima vijeća mjesne zajednice u skladu s finansijskim mogućnostima mjesne zajednice.“

Član 11.

Iza člana 71. Statuta dodaje se novi član 71.a koji glasi:

„Član 71.a

Vijeće mjesne zajednice obavezno je do 31. marta tekuće godine, Općinskom načelniku i Predsjedavajućem Općinskog vijeća dostaviti finansijski plan rada za tekuću godinu i Finansijski izvještaj za prethodnu godinu za sredstva doznačena iz Budžeta općine Gračanica.

U slučaju da mjesne zajednica ne podnesu finansijski plan i finansijski izvještaj privremeno prestaje finansiranje mjesne zajednice za tekuću godinu, sve dok se isti ne dostave.“

Član 12.

Član 72. Statuta mijenja se i glasi:

*„Rad i odluke organa mjesne zajednice podliježu nadzoru.
Nadzor nad radom vijeća mjesne zajednice vrši Općinsko vijeće i Općinski načelnik.
Općinsko vijeće ima pravo da poništi odluke vijeća mjesne zajednice ukoliko se njima krše zakon, Statut i propisi Općine i Statut i drugi akti mjesne zajednice.
Predsjedavajući Općinskog vijeća ili Općinski načelnik imaju pravo i obavezu predložiti Općinskom vijeću da raspusti Vijeće mjesne zajednice, odnosno tražiti od vijeća mjesne zajednice da razriješi dužnosti predsjednika Vijeća mjesne zajednice, ako se utvrdi da u svom radu krše statut mjesne zajednice, ovaj statut i propise Općine ili ne izvršavaju povjerene poslove, kao i ne održavaju sjednice duže od 3 mjeseca.
U slučaju raspuštanja Vijeća mjesne zajednice Općinsko vijeće će imenovati povjerenike do imenovanja novog vijeća mjesne zajednice shodno članu 69. Statuta.“*

Član 13.

U članu 92. Statuta stav 4. broj „3 %“ mijenja se brojem „1 %“.

Član 14.

Iza člana 98. Statuta dodaje se novi član 98.a koji glasi:

„Zdravstveni savjet

Član 98.a

*U cilju ostvarivanja mjera društvene brige za zdravlje građana i ostvarivanja i unapređena prava pacijenata osniva se Zdravstveni savjet Općine Gračanica.
Sastav Zdravstvenog savjeta određuje se posebnom odlukom Općinskog vijeća, a mandat članova Zdravstvenog savjeta traje 4 godine.
Sredstva potrebna za rad Zdravstvenog savjeta obezbjeđuju se u budžetu općine Gračanica na osnovu godišnjeg programa rada kojeg donosi Savjet uz saglasnost Općinskog vijeća.“*

Član 15.

Mjesne zajednice su dužne uskladiti svoje Statute s ovom Odlukom u roku od 6 mjeseci od dana stupanja na snagu.
Stupanjem na snagu ove Odluke prestaju da važe odredbe statuta mjesnih zajednica koje su u suprotnosti s odredbama ove Odluke.
Ukoliko mjesne zajednice ne usklade svoje statute s odredbama ove Odluke direktno će se primjenjivati odredbe Statuta Općine Gračanica.

Član 16.

Odluka stupa na snagu danom objavljivanja u „Službenom glasniku Općine Gračanica.

PREDSJEDAVAJUĆI
OPĆINSKOG VIJEĆA
Nihad Krajinović